

UGOVOR
o pružanju usluga iznajmljivanja prostora za smještaj
repetitora i linkovskih uređaja sa pripadajućom opremom i održavanja
radio komunikacijske i informacijske opreme

I UGOVORNE STRANE

1. **KANTONALNA UPRAVE CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, 71000, koju zastupa direktor, Samir Džihić, ID broj: 4200665390008 (u daljem tekstu: **Naručilac**), i
2. **MIBO KOMUNIKACIJE D.O.O. SARAJEVO**, ul. Tvornička br. 3., Sarajevo, 71000, kojeg zastupa direktor, Marko Boštjančić, ID broj: 4200470540005 (u daljem tekstu: **Izvršilac**),

U daljem tekstu Ugovora, kada se Naručilac i Izvršilac navode zajednički, tj. zbirno, tada su označeni kao „**Ugovorne strane**“.

II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru najpovoljnijeg ponuđača, Naručioaca broj: 06-14-63-7/19 od 03.06.2019. godine.

III PREDMET UGOVORA

Član 1.

Predmet ovog Ugovora je nabavka usluga iznajmljivanja prostora za smještaj repetitora i linkovskih uređaja sa pripadajućom opremom i održavanja radio komunikacijske i informacijske opreme za potrebe Kantonalne uprave civilne zaštite Kantona Sarajevo, prema Tehničkim specifikacijama, koje su navedene u Konkurentskom zahtjevu za dostavu ponudu Naručioaca, broj: 06-14-63-2/19 od 21.05.2019. godine, kao i u Ponudi Izvršioaca, br. PON – 957/19 od 03.06.2019. godine, koje čine sastavni dio ovog Ugovora.

Ugovor se zaključuje na period od 1 (jedne) kalendarske godine, a primjenjivat će se od 01.07.2019. godine do 30.06.2020. godine.

Član 2.

Izvršilac se obavezuje da će usluge navedene u članu 1. ovog Ugovora, pružati u svemu prema uslovima postavljenim u Tehničkim specifikacijama Naručioaca i svoj Ponudi br. PON – 957/19 od 03.06.2019. godine, koja čini sastavni dio Ugovora, kao i u skladu sa važećim sa tehničkim propisima, pravilima i standardima.

IV CIJENA I NAČIN PLAĆANJA

Član 3.

Ukupna cijena za usluge navedene u članu 1. ovog Ugovora iznosi: 19.656,00 KM (slovima: devetnaest hiljada šeststotinapdeset šest).

U ukupnu cijenu iz stava 1. ovog člana, uračunat je PDV.

Cijena za usluge navedene u članu 1. ovog Ugovora je fiksna i ne podliježe nikakvim promjenama za vrijeme trajanja Ugovora.

Član 4.

Ugovorne strane su saglasne da će Naručilac predmetne usluge u skladu sa Ponudom Izvršioca, platiti na račun Izvršioca broj: 1401020011330457 otvoren kod SBERBANK BH d.d. i to plaćanjem u jednakim mjesečnim ratama putem privremenih mjesečnih situacija – faktura (računa) u roku od 10 (deset) dana od dana dostave privremenih mjesečnih situacija Naručiocu.

Izvršilac je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje, a Izvršilac primio uplatu s odgodom od jednog ili više dana od ugovorenog roka iz stava 1. ovog člana.

V OBAVEZE IZVRŠIOCA I NARUČIOCA

Član 5.

Izvršilac se obavezuje:

- da će predmetne usluge pružiti savjesno, u skladu sa kvalitetom zahtijevanim Tehničkim specifikacijama Naručioca i važećim zakonskim propisima, normativima i standardima za ovu vrstu usluga;
- da će radio repetitori motorola SLR5500 sa pripadajućom opremom biti kontinuirano napajani sa električnom energijom i to putem postojeće elektroenergetske mreže ili rezervnim napajanjem putem akumulatorske baterije;
- da će uz predhodnu najavu i u dogovorenom terminu omogućiti ovlaštenim licima Naručioca, pristup opremi koja je smještena na radio relejnim (RR) objektima Bjelašnica i Orlić;
- da će odmah obavijestiti Naručioca ako dođe do eventualne štete pričinjene ratom, prirodnim i drugim nesrećama na opremi ili do otuđenja bilo kojeg dijela opreme koja je smještena na radio relejnim (RR) objektima Bjelašnica i Orlić;
- da će u servisu osigurati stalno dežurstvo 24 sata dnevno, 365 dana u godini (24/7/365) za prijavu kvara i na vrijeme dostaviti Kantonalnom operativnom centru civilne zaštite i Dispečerskom centru PVJ Kantona Sarajevo kontakt telefon i e-mail adresu dežurnog servisera;
- da će njegov servis u vremenskom periodu od najviše dva sata od vremena prijave kvara od strane ovlaštenih lica Naručioca izaći na teren i pristupiti otklanjanju kvara na opremi koja je navedena u Tehničkim specifikacijama Naručioca u toku trajanja ovog Ugovora;
- da će u toku trajanja ovog Ugovora svaki kvar na opremi koja je navedena u Tehničkim specifikacijama Naručioca otkloniti u najkraćem mogućem roku;
- da će za svaku intervenciju i obavljeni servis (u preventivnom i interventnom održavanju) obavezno sačiniti odgovarajući zapisnik i dostaviti ga Naručiocu;
- da će u skladu sa članom 4. ovog Ugovora, dostaviti Naručiocu privremene situacije – fakture (račune) na plaćanje;

- da će odmah obavijestiti Naručioca ako dođe do veće štete na opremi koja je navedena u Tehničkim specifikacijama Naručioca za čiji popravak ili zamjenu su potrebna dodatna finansijska sredstva.

Član 6.

Naručilac se obavezuje:

- da će u slučaju da se predmetne usluga ne vrše u skladu sa odredbama ovog Ugovora, o tome pismeno obavijesti Izvršioca;
- da će ukoliko ima potrebu pristupa svojoj opremi koja je smještena na radio relejnim (RR) objektima Bjelašnica i Orlić, istu blagovremeno najaviti Izvršiocu usmeno, putem telefona na broj 033/779-360 ili pismeno putem faksa na broj 033/627-531 ili putem elektronske pošte na e-mail service@mibo.ba;
- da će Izvršiocu dostaviti kontakt telefone i e-mail adrese dežurnih operativaca-dispečera u Kantonalnom operativnom centru civilne zaštite i Dispečerskom centru PVJ Kantona Sarajevo
- da će izvršiti uplatu ukupne cijene vrijednosti ugovorene robe iz člana 3. ovog Ugovora, na način i u roku utvrđenom u članu 4. ovog Ugovora.

Član 7.

Ugovorne strane su saglasne, da nijedna od njih neće snositi nikakvu odgovornost, niti troškove za eventualnu štetu prčinjenu ratom, prirodnim i drugim nesrećama koje nisu uslovljene ili izazvane njihovom krivnjom na opremi koja je smještena na radio relejnim (RR) objektima Bjelašnica i Orlić, niti za bilo kakvu štetu na navedenoj opremi, uzrokovanu događajima i okolnostima na koje ugovorene strane nisu imali nikakav uticaj.

VI RASKID UGOVORA

Član 8.

Ovaj Ugovora može se raskinuti sporazumno ili po zahtjevu jedne od ugovornih strana, ako su nastali bitni razlozi za raskid Ugovora.

Član 9.

Ako dođe do sporazumnog raskida ovog Ugovora, ugovorne strane sporazumom o raskidu utvrđuju prava i obaveze koje proističu iz raskida Ugovora.

Obavještenje o jednostranom raskidu ovog Ugovora mora se dostaviti drugoj ugovornoj strani isključivo u pismenom obliku najmanje 30 dana unaprijed i obavezno navesti po kom osnovu se raskida Ugovor.

VII PRIJELAZNE I ZAVRŠNE ODREDBE

Član 10.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 11.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

Član 12.

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Izvršioca i isti će se primjenjivati do izvršenja svih pojedinačnih obaveza predviđenih ovim Ugovorom.

Član 13.

Ugovor je sačinjen u 6 (šest) istovjetna primjerka, od kojih svaka od sporazumnih strana zadržava po 3 (tri) potpisana i ovjerena primjerka.

ZA IZVŠIOCA

Direktor

Marko Boštjančič



Broj: 171/19

Sarajevo, 21.06.2019. godine

ZA NARUČIOCA

Direktor

Samir Džihic



Broj: 06-14-63-10/19

Sarajevo, 19.06.2019. godine